

元始无量度人上品妙經卷之四十七

祈禳水旱品

道言昔於妙成天中晨霞風歌大真和土受元始度人祈禳水旱妙品元始天尊當說是經周迴十過以召十方始當詣座天真大神上聖高尊妙行真人十方龍王水旱二司八海水曹三元火官四瀆主者雷電大神流火神將赤帝使者靈官騎吏死軼數衆乘空而來流景之輿洞霄之輦曲晨垂蔭丹精吐光叢色分華煥朗太空七日七夜諸天金闕瓊宮絳房琳府一時靜肅星躔交彩丹桂凝芳騫林蔚蔥虹梁控帶天光暉曜日映重輪一國地土山川林木緬平一等无復高下土皆作翠玉柔明

道藏輯要

度人妙經

元

元集三

瑩徹无有異色眾真侍座

元始天尊玄坐空浮九光結雲圓景遊龍之上說經一遍諸天大聖同時稱善一國境界和氣沖融物無疵癘說經二遍草木敷榮萬寶成實說經三遍騫林集鳳葉布天章說經四徧蓮露含華藥藏仙液說經五遍水火得宜動植榮暢說經六遍雲行雨施泉定河平說經七遍三靈奉時熙明合曜說經八遍聖運普亨羣生同泰說經九遍萬國咸甯陰陽時若說經十遍帝道永昌業隆政備是時一國是男是女莫不傾心皆受護度咸得長生

道言是時元始天尊說經一遍東方發令龍王水旱二司无軼

之眾浮空而至說經二遍南方大明龍王水旱二司无軼之眾
浮空而至說經三遍西方肅政龍王水旱二司无軼之眾浮空
而至說經四遍北方通生龍王水旱二司无軼之眾浮空而至
說經五遍東北鎮山龍王水旱二司无軼之眾浮空而至說經
六遍東南風化龍王水旱二司无軼之眾浮空而至說經七遍
西南執紐龍王水旱二司无軼之眾浮空而至說經八遍西北
運剛龍王水旱二司无軼之眾浮空而至說經九遍上方布潤
龍王水旱二司无軼之眾浮空而至說經十遍下方騰變龍王
水旱二司无軼之眾浮空而至十遍周竟十方無極龍王水旱
主者天真大神一時同至一國男女傾心歸仰來者有如細雨
道藏輯要

度人妙經

三

亢集三

又文川

密霧各持珍寶供養天尊瞻仰聖顏欣聞妙道於是元始光散
諸天出霞萬道法身示變恍惚存亡水火二輪旋暉掩日霄音
逸響流激千尋仙花散飛天樂互作靈音扇藹瑞氣聚空天尊
口吐玉文影羅億界發言微笑再告天人曰水旱者天地太少
之氣生民所感不同故於方域之境其見各異又有天地司歲
之運與人氣交爭亦使之然水爲陰溢旱爲陽淫王者之德應
於天地政平則時和溢則爲水亢則爲旱或帝德純穆恩逮八
表而有水旱者卽司歲天時之制也歲丙辛戊癸太羽太徵之
運災發一六二七之宮不得不爲水旱水旱爲世害之大遇少
卽祈遇太卽禳祈禳十方龍王水旱二司大神俾調其氣正其

令謹其時則民物无癘陰陽政等道不私用是時水火二輪合一成珠大如黍米在空玄之中去地五丈元始登引天真大神上聖高尊十方龍王水旱二司大神无鞅數眾俱入寶珠之中天人仰看惟見拂拂從珠口中入既入珠口不知所在國人廓散遵奉教言元始即於寶珠之內說經都竟眾真監度以授於我當此之時喜慶難言法事粗悉諸天復位倏欵之間寂无遺響是時天人值遇經法普得濟度全其本年死有中傷傾土歸仰咸平過心不悔不吝不亢不獨不昧不冒不濫不愆不爽不誣言以善化口无嗔聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道藏輯要

度人妙經

三

九集三

又三上

道言元始天尊說經中所言並是諸天上帝內名隱韻之音亦是眞王內諱祈禳水旱召龍致神百靈之隱名也非世之常辭上聖已成眞人通玄究微能悉其章誦之十過諸天遙唱二象均行進退順常水旱不忒祈禳隨應字育繁滋羣魔束形鬼精滅爽代无饑饉福被兆人至學之士誦之十過祈澤世澤禳水濬源方界安和生物蒙祐所以爾者學士身中水火并濟氣候履常格應二儀祈禳遂請穢滓已消體向洞眞召制十方龍神降祥威和德備保見長生輕誦此章身則被殃供養尊禮時穀豐盈世世昌熾與善因緣萬災不干神明護門斯經靈妙通奏玉京度人无量爲萬道之先巍巍大範德難可勝

道言凡誦是經十過諸天齊到請雨則羣龍吐雲玄澤滋稿煙
披霧集涸坎波涵請晴則皎日效明陰翳消殄陽光煥燭幽蔀
開昭而好學至經功滿德就皆得神仙飛昇金闕遊宴玉京也
上學之士修誦是經陰平陽祕水火內交皆即受度飛昇南宮
世人受誦則五內清康三田昌茂身中水旱適養无虧陰鼎陽
爐鍊真成道延壽長年後皆得作尸解之道魂神暫滅不經地
獄即得返形遊行太空此經微妙普度无窮一切天人莫不受
慶无量之福生死蒙惠上天所寶不傳下世至士齋金寶效心
盟天而傳輕泄漏慢殃及九祖長役鬼官侍經五帝玉童玉女
各二十四人營衛神文保護受經者身

道藏輯要

度人妙經

三

元集三

道言正月長齋誦詠是經祈禳水旱使春夏華實各遂繁榮七
月長齋誦詠是經祈禳水旱遏氣使平嘉茂克遂羣實獲成十
月長齋誦詠是經祈禳水旱民物阜康天英積秀病癘消禳爲
國王帝主君臣父子安鎮國祚使天長存歲歲豐稔常保元亨
安鎮其方民稱太平八節之日誦詠是經祈禳水旱循時虛盈
雨暘得宜動植咸甯本命之日誦詠是經身中水火升降二輪
雙景合照安順天經魂神澄正道氣長存不經苦惱身有光明
三界侍衛五帝司迎萬神朝禮名書上天功滿德就飛昇上清
道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐赤黑黃三

色雲氣之中內外翳冥有青龍白虎朱雀玄武獅子白鶴羅
列左右十方龍王水旱二司大神侍衛前後日月照明洞煥
室內頂生圓象光映十方如此分明密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

道藏輯要

度人妙經

三

亢集三

元始无量度人上品妙經

元始洞玄靈寶本章祈禳水旱降應度人永康隱韻妙感因緣
大洞隱文空无至神虛皇祖氣生育羣真周流三境開化洞玄
執綱持紐運幹彌綸朗耀大羅紫融碧炎洞煥九壘風水河源
包括至化中宅萬靈陰陽升降天地以雷陽乖爲亢陰否爲淫
二氣錯繆水旱乃生壅塞冲和災我生民虛勞人力稼穡不成
赤文告命召龍致雲永斷旱怪開通水津大布教令普告十方
中有祈禳水旱之神中有太少陰陽之君中有攝龍行雨大神
中有收斂陰雲翳景之真中有生成萬物延壽益算度厄尊神
導迎和氣无量度人今日校錄諸天臨軒

道藏輯要

度人妙經

三

元集三

東方无極龍德神王長生大聖无量度人
南方无極龍爛神王長生大聖无量度人
西方无極龍威神王長生大聖无量度人
北方无極龍藏神王長生大聖无量度人
東北无極龍變神王長生大聖无量度人
東南无極龍慧神王長生大聖无量度人
西南无極龍陰神王長生大聖无量度人
西北无極龍昇神王長生大聖无量度人
上方无極龍父神王長生大聖无量度人
下方无極龍化神王長生大聖无量度人

十方至真水火龍王長生度世无量大神並乘十色飛雲瓊輿
朱輦碧蓋瑤輪驂駕神獸六馬華旌建八威降澤之節開六陽
暉日之旛前嘯洞歌齊唱後吹虛籥同鳴獅子白鶴吟嘯囉囉
五雷治道九夔贊輶億乘萬騎浮空而來傾光迴駕應祈護生
三天丞相洞白右宮天樞上宰水旱大神執籙把籍齊到帝前
考檢節氣太少運年隨所應格嚴校諸天普告三界无極神鄉
九水寒夜泉曲幽關三官九府曹局名山八海五湖四瀆九江
七澤六野十二靈谿雷電大神早司火官揭日之陽赫煙炎鑪
火山炯池煥鬱陽曹元始符命時刻昇遷祈禳降答應告關宣
風雨霜雪隨令无愆若或過縱執送水官庶物昭蘇普惠兆民
之難超凌三界逍遙上清上清之天天帝洞雲无色之界梵行

道藏輯要

度人妙經

卷

亢集三
川之文

東方八天

歷辛昭庸天

帝丑都造晨

紀靈素王天

帝揚琪祕清

訥澄祛義章祈天

帝竺猷瞰頓

覽覺立居淨智天

帝伯林先

明虛存一天

帝洞時光

隱中慈信天

帝嗣蔚度田

龍札書雲天

帝尊長自倫

道冥朝極天

帝主器安雱

南方八天

禱眞寵黎天

帝南子崇

務津敬至天

帝亶室尊玄

符傳九遙天

帝格斗司官

進氣運樞天

帝望烈眞

與侯博權天

帝重地穴旺

協昊輔靈奏成天

帝紀兌交

略訊八極驛報天

帝康求領言

景耀化應天

帝正兔遙流

道藏輯要

度人妙經

卷

亢集三

西方八天

綠糾楚義天

帝高涂順英

靈還迅智天

帝獨泝建鏜

行皇轉流天

帝孝質夷冥

辨氣司玄天

帝備黎汶

定頤祝祠天

帝蹈方希斌

光洞龍軍天

帝抱臺一簣

日鈴奔車天

帝佔彌農

磁谷養華天

帝黃時仲

北方八天

龍康耀雲天

帝六野非去

海瀾溢度天

帝迦婁遁綱

詔神消魔天

帝密多達悲

魚塘沸蛟天

帝揭沙陀王

錄功考泉天

帝輦安壽

玄都北宮恬昭天

帝古歸起川

幽真返尸生化天

帝邈廬遠义

注澤判冥天

帝勃勃禧

三十二天三十二帝諸天隱諱諸天隱名天中空洞自然靈章
諸天隱韻招降之音水火之尊陰陽之神變氣大魔直候之靈

道藏輯要

度人妙經

卷

亢集三
卅三

九井十交變化上清无量之奧深不可詳數落神眞普度天人
今日祈禳水旱厯關諸天請逐魃鬼興起雨工迴戈揮日駐雲
偃風沛然潤施廓明四騫飛度災期誠歛太玄二司監舉喩張
天門東斗雷府西斗雨都北斗暴泛南斗赤田中斗主符水旱
都詮勾芒御春蓐收乘秋祝融統夏立冥正冬后土中季散發
流通應天及人德著立功青天魔王震擗拉摧赤天魔王猛令
炎威白天魔王陰連浥煤黑天魔王溟渤淵洞黃天魔王水火
同推五帝大魔萬神之宗飛行鼓從總領鬼兵麾幢鼓節遊觀
紫霄課驗巡行水旱蠲消祈禳上天卻滅凶祲天官稟令旱震
不行滔泛洪波戊己厭災黃頭兵將斬縛蛟螭玄冠眞人禁暴

死威回槁變青食和挹義敵有干試妄縱二司政令偏頗民物
鈴鏐金鉞前戮巨天後刑屠割姦祆風火無停千千截首萬萬
翦形魔无干犯鬼无祆精三官北酆明檢鬼營不得容隱金馬
驛呈普告無窮萬神咸聽三界五帝列言上清

元洞玉歷水火運行神器在中小大無過混沌包之无色無淵
風升氣舉積陽爲天天上天下无幽无冥无形无影无極无窮
溟滓大梵遼廓無光赤明開圖眞火燎然八龍負水九壘噴泉
水火成之敷落五篇赤書玉字鑄金爲篇保制劫運消息至均
世久去道水旱浮沈害傷生物勝伏追尋不知妙玄綿綿若存
梵炁彌羅萬範開張元綱流演三十二天輪轉水火升降低昂

道藏輯要

度人妙經

卷

九集二
六三三

旋斗歷箕迴度五常三十五分總氣上元八景冥合氣入玄玄
玄中太皇上帝高眞泛景乘霞嘯詠洞章金眞朗郁流響雲營
太陽元精道合常經玉音攝氣靈風聚煙陰景內煥雲澤翩翻
紫虛鬱秀輔翼萬仙水旱不作日月无偏干和萬合自然成真
神霄至尊長生大君東極宮中青華帝君握水火籍臨萬國民
祈禳納靈降福天人无英在左白元在右太乙在前司命在後
桃康海伯合延河侯調鍊平暢水火數周執符把籙保命生根
上遊上清出入華房八冥之內細微之中下通人身泥丸絳宮
中理五氣混合百神三田豐植水旱无并顧視一身天地同營
氣候不失華池液温十轉回靈萬氣齊仙仙道貴生无量度人

上開八門飛天法輪罪福禁戒宿命因緣水火二官統秉權衡
普受開度生世欣榮害氣永滅上聞諸天諸天之上各有生門
中有空洞謠歌之章眞王靈篇辭參高眞

第一祈禳水旱飛空之音

油雲展布

雷車輾輾

飛雨旣來

百川盈尺

食墮爾竈

均平爾屋

下民何知

罹此愁毒

炎炎畏日

流金焦石

四野生煙

草木皆赤

有田兆拆

漄可卜宅

不見泉聲

莫勾涓漈

卒歲无儲

罹此災凶

道藏輯要

度人妙經

无

亢集三

我壇其封

洞歌鼓鐘

符召十龍

樂舞千童

焚香誦經

達誠紫穹

水旱止息

福祿濛濛

億載享太平

稽首青華宮

第二召龍致雨之章

大田南山

誅葢拔管

深耕遠耘

度此歲寒

彼土如石

堅不可索

欲覲有夙

天愛其澤

爰釀醪醴

潔醮皇壇

青龍銜符

山隴潺潺

赤龍銜符

飄雨班班

白龍銜符

杭稌早繁

黑龍銜符

積倉如巒

黃龍銜符

雲采雨瀾

十方龍君

憫此下民

滋及生物

茂泰傾伸

誠感三天

恩霑八垠

讚禮空洞章

驛龍莫輕奔

第三止雨請晴歌曰

水官弛禁

不鎖雷城

鬼盜其車

輪墮其餅

強龍未馴

泄雨霖霖

雲靄原野

烏集狐驚

頑石有苔

枯桑山耳

田夫咄嗟

困徹其底

道藏輯要

度人妙經

三

亢集三

日匿于天

龍背生煙

不知世間

茅簷瀉湍

道勅玉文

止雨請晴

陽光晨發

野馬如蒸

海獄澄霽

萬谷藏雲

符闢我田

乃築爾廬

日靜風和

生類以蘇

列壺奠漿

四極眞王

旋救歲直

富彼倉箱

祐世承平

教律斯昌

玉龍銜燭

照映十方

聖壽萬年

袞衣黼裳

此三界之上飛空之中眞王歌音音參洞章誦之百徧萬物阜
成誦之千徧和氣流通萬徧道備水旱永消過度三界昇入神

霄有聞靈音天司敬形敕制地祇侍衛送迎拔出死戶五苦八難七祖昇遷永離鬼官魂度朱陵受鍊更生是謂无量普度无窮有祕上天文諸天共所宗泄慢墮地獄禍及七祖翁

道言此二章並是諸天上帝及神霄真王隱祕之音可以致雨請晴祈禳水旱佐國佑民皆是大梵之言非世之常辭言无韻麗曲无華宛故謂玄奧難可尋詳上天所寶祕於神霄玉清王府東華經室遷遇壬辰應天以傳若有至人齋金寶質心依舊格告盟天君然後而付焉

道言夫天地之氣亦有差正子午卯酉爲正寅申巳亥爲初辰戌丑未爲終皆差也水旱之災因天時差正之會或民之動息

道藏輯要

度人妙經

三

亢集三
八七

相輪應以致之不及則祈之太過則禳之致雨爲祈請晴爲禳凡有此災同氣皆當齊心齋六時行香十徧轉經福德立降消諸不詳无量之文普度无窮

道言夫祈禳水旱致雨卽於國西南除地爲壇壇四面安十方龍王形中安致雨靈符五方貯水以桐竹枝青白楊枝安水中以青紙墨書詞詣三元四海水曹太玄天機二省以祈之請晴卽於國南除地爲壇壇並高九尺爲三仞上圓下方傍開四門門通九壘以爲步道四面安十方龍王形中安請晴靈符五方施香火燈燭以破陰暝丹書青詞詣二省火曹以禳之至人爲其行香誦經十過祈禳斯應不爲歲災隨水旱大小爲期初七

日至三七日爲小期也精念懇達諸天監舉便得神仙
道言夫四時失度陰陽不調則氣隨勝以爲過故陰靈爲水陽
亢爲旱所臨之境則民庶流移鳥獸失道疫毒流行橫被天傷
亦當修齋行香誦經祈禳悔謝夫齋戒誦經功德甚重上消天
災保鎮帝王下禳毒害以度兆民生世受賴其福難勝故曰无
量普度天人

道言凡有是經能爲天地帝主兆民除禳水旱有災之日發心
修齋燒香誦經十過皆諸天記名萬神侍衛右別至人尅得爲
聖君金闕之臣諸天記人功過分毫无失天中眞王亦保舉爾
身得道者乃當洞明至言也

道藏輯要

度人妙經

三

元集三
卷一

諸天中大梵隱語无量音 道君譔
元始靈書水火三十二天祈禳中篇

東方八天

磬唐機孫 耀徹瓊祖 壇池玉淵

景龍允府 淀靈有校 獄鍊卷魯

竊玄建封 淘薰胥古 神穴銷螭

白龍薦午 陣飛斗和 鬼占角普

袁聚祈迪 山离緣韓 召杵甲黨

九昆堯桓

南方八天

驗稽聿巒

赫迴耀丹

宸林杳叱

萬華構觀

帝丁率霞

馬哲遼還

期逾峴籠

幽沙邱淵

斬觀苟術

西靖煙聯

合升露遂

妖陀蔽佺

戶呈牛黎

火洞責關

旅司要莫

休牢師雷

西方八天

莓傳晏叟

拒靈齊良

轉鋤有賢

式尼汶斗

祠訛騫魂

奔荼婁夷

弼賞堂鉉

曰協使馳

獨恩懋卓

道藏輯要

度人妙經

三

九集三

溢敦侯員

左蘭契兆

牧臨侯端

登符閔眞

慶兵司陳

蕩忽卯皇

勤度伊承

北方八天

虎聃柚閣

殺直空精

道密薰降

雲黃交門

洞混叔火

樸沐指分

合魂神護

昭清樊盈

勅魔正酆

省甫輔經

杲陽喻懷

氣无順存

叱洛泗爛

囚縛攝坤

太考生獲

靈吟鑒荀

道言此諸天中大梵隱語无量之音舊文刻書太微紫微水火
二宮蒼玉靈崖之上以行天地四時水火之氣神化之書功不
能名世間學士祈禳水旱隨法丹墨書隱文著壇四門以召陰
陽之氣水火之祇臨人境爲害向有處安之大吉字皆廣長一
丈天真皇人昔書其文以爲正音有知其音能齋而誦之者諸
天皆遣飛天驛龍使者下觀其身書其功勤上奏神霄萬神朝
禮地祇侍門大功三天命職洞玄道備尅得遊行三界昇入金
門此音无所不辟无所不祈无所不禳无所不度无所不成天
真自然之音也故誦之致天吏下觀上帝遙唱萬神朝禮三界
侍軒羣祇束首鬼精自亡琳琅振響十方肅清河海靜默山嶽
吞煙萬靈振伏招集羣仙天无氛穢地无祇塵冥慧洞清大量
玄玄也

道藏輯要

度人妙經

雷

九集三